

欽定

華

閣

遺

集

宗室韵詩祭酒鬱華閣遺集序

若夫柔祗閔和圓靈歛煦積雪飀聊層冰慘廩
林柯棲其揜華庭鳥瑟其戢翼余方將有海外
之行料簡故籍嗒焉喪意振觸舊雨黯然銷魂
心煩憺而固舒情僚慄而若輻而楊子子勤適
以所鈔集詩詞四卷見示并徵弁語嗟乎此乃
吾亡友韵詩祭酒鬱華閣之遺集也自管過大
梁者輒仁想於夷門遊九原者亦流連於隨會

睇古長謠睇往繁歎豈况竹林宴歇尚憶黃公
之壚山陽室空猶咽隣人之笛宿草莽翳青簡
方新發名山之度歲寓禮堂之定本慨其歎矣
能勿連而夫以祭酒生而醴粹長而瓊瑋激
識淵瑩高衷嶽峻擐紫霄早朝之詩爭傳
秉鐸席門進學之解競誦爾其命鷗盟抱等
萬有於秋毫召鶴質矜覽億古於一掬太冲
卓犖爰成讀史之章嗣宗放曠厥有詠懷之

作枕糟邱於夜月杜康引為可見灑墨瀋於此
扁山霸為之起舞加以上軫皇輿下恫世變忠
肝輪困義膽磅礴栖楚叩墀而爭陽城壞麻
而諫侶侶自將悃悃不懼迺霸脩浩蕩眾芳蕪
穢事與顏廷勢與理貿逆目當閤行僣僣以搏
人高邱無女日忽忽其將莫惜誦致愍書空寄
憤故其為文也其聲哀以思其志蹇以隱展卷
以留不知涕泗之何從也余自己卯之歲騁羈

日下獲與祭酒申車笠之盟締金石之約洎濫
竽玉署聯襪金閨居則望衡出必聯軫呼烟索
傷形影斯偕餐雪撥幽綦履恆共今者故人零
落天涯憔悴鍾期既歿伯牙目之輟絃惠施既
逝莊生於焉寢管載諷斯篇音塵如接爰由
怕趣以諗方來云爾

光緒三十四年二月合肥蒯光典謹序

鬱華閣遺集卷第一

同治癸酉至光緒乙未

題消寒詩圖

往事輕塵一霎過
龍蹻真幻果如何
揮泥汨水
新生理
日日攜犁和牧歌
清尊接席偶然同
莫賦高軒又惱公
九陌紅塵
飛不了
此間松竹自秋風

與西湄金鰲玉竦觀荷花即用西湄

積水潭韻

十里虹橋兩行柳年年頻見早荷開樹根坐聽
園官說芰葉如今滿趵臺

化人樓閣百尋過誰訊西來白馬馱惆悵吳山
峰第一玉津花事竟如何

葛衫肯帽數年華自詫城南韋杜家轉羨江鄉
老桑苭蓬窗竹竈手煎茶

題素芬女史小照應梅兄教

家住青溪最小年華瑞翠羽浦雲鮮冰絲彈盡
傷心淚猶抱湘妃五十絃

但從圖畫見真真已詫淩波有洛神十斛明珠
等閒事可教長作鏡中人

鴛鴦繡出意如何花月春宵一刹那收拾脂腥
兼粉污藥鑪相伴病維摩
情絲綴在臂盟寒十載揚州夢欲闌莫便牧之
真薄倖綠陰流涕小梅酸

失題

琉璃瓶碎淨鬢雲舍利如珠下界分湯擬沈香
薰小像銀天早已斷知聞

雙雙妙願水晶宮玉骨團泥塿箇儂應笑生天
仲姬晚白頭日日禮中峰

題子澄同年錦官堂賦鈔

午塘梧門久不作燕支山色空煙雲東部貴種
射生手南朝才子熟券軍槃槃大集厚一尺何
如雕弓開六鈞緣邊戰事方日棘能作吳語吾
不聞

題吳柳堂先生小象

嶢嶢花木相淒切迅雷驟雨雲為裂此時帳殿

奉

鑾輿珠耶未睹心先結
松檜森森護隧門
入門血淚和聲吞
自是慈恩同覆幬
幾番抑淚撫驚魂
春露秋霜何太促
為陵為谷迭翻覆
事經千變世何堪
情到萬難天亦哭
蜺旌鶴蓋翠華還
陪駸怕進羽林班
白雲深處空回首
一个孤臣萬疊山

自題柳陰清夏合照

午橋池館未全荒
手種垂楊二十霜
萬卷牙籤

皆手澤半生孤負讀書堂

娟娟滄浪竹一枝珊瑚拂罷便收絃
丹稜洲上饒鰕菜赤腳誰家踏浪兒

又

浮瓜沈李小招邀清話時能慰寂寥
往事南皮摠追憶花前一倍惜今朝

送陸吉雲丈

依然酒態稱詩名垂白江湖氣不平
官舫琵琶春訪治市樓鐙火夜談兵
旁人應羨還鄉樂餘

事原須放膽行如此酸風兼朔雪竟騎匹馬上
神京

滿襟別緒觸茫茫縱飲相逢意亦傷兩老交期
真性命十年人海小滄桑疏懷視我能如昔故
態逢君尚欲狂零落先公舊賓客野梅香徧午
橋莊

聘春亭外好煙霞竹檻西頭蘚徑斜纔罷飛塼
還鬥草也曾選石坐嗟花長楊不惜當年綠短
發驚看兩鬢華影事重重談不了可堪驪唱又

天涯

且盡平原十日歡亦須珍重見時難騎兵相屈
徒虛語仙尉從來愛小宦招隱若能堅素約卜
居大好是長安私心預想重來日莫厭今宵酒
盞寒

題彭孝女墜塔集

鈴語淒淒怨夕陽人天難覓返生香落花再轉
空王劫怕悵前身午夢堂

曹碑班誡久低徊日日香芸伴鏡臺腸斷阿翁

應自悔教兒何苦讀書來

捉御史

車如雞栖馬如狗繡衣使者蹒跚走車如流水
馬如龍四姓小侯行門風黃塵薄日長安路玉
勒珊瑚鞭競馳驚駟唱之儀不聽前紛紛旗校影
纓怒亂箠撾馬馬橫觸進退倉皇真擊鼓旋抽
左右又叅差我未斷鞅君脫幅大璫喊怒全來
前一僮一僕繫送官觸忤粉侯罪當死又向車
中捉御史御史觥觥立殿中南臺況復稱端公

翁主猶須避赤棒貴游孰敢干青驄千步清道
九華蓋王公皆當頓軔待奈何翻歆截角來憑
藉張皇母乃太

聖明四海方照臨強宗乃爾相凌侵朝廷不惜
然然法御史偏有休休心揮鼠輩竄等閒耳細
事何須告

天子旁觀父老亦咨嗟還是大臣知大體我冠
怒馬猶斷斷暫從亭長赦憲臣亭長叩頭還告
語今朝姑縱御史去

荅周蒼生同年即題蛭蟬齋壁

安排雞犬置琴書
草草瓜牛六結廬
儘有枋榆容斥鷃
頗聞鐘鼓祀爰居
掃除一室知吾分
商略千秋儻爾如
近局招邀休歎數
百年能得幾軒渠

題劉星岑侍讀松栢移讀書圖

羅浮空想鳳車視
竹屋寒鐙一穗昏
豈有江南萬株雪
小窗橫幅自溫存

書城中擁四圍花
日日丹黃徧百家
絳帕蒙頭

清睡起不知身尚在東華

論詩絕句

駢體文章自千古本朝誰可抗顏行只憐詩學
積唐甚我願公無後世名
樂府新歌白紵詞仙人姑射好丰姿長松恠石
誰千古湯誚先生盆景詩
江外文章袁蔣趙就中吾較服雲松劍南才思
誠齋格蔚作中天一大宗
便是詩人世不圖可憐詩話劇工夫好收宦橐

為書賈應愧波斯碧眼胡

失題

欲遣天驕識漢官
詞臣仗節亦登壇
頗聞塞上收千落
已信軍中有一韓
從古河源歸部下
同時人望惜朝端
聖明恩德遐方被
莫使氐羌一例看

近日秋聲不可聞
歧亭難制淚紛紛
中朝誰決澶淵策
諸將仍屯灞上軍
一障何時能界我
九邊今日或須君
玉河衰柳休攀折
留著長條綰

夕曛

贈文道希用西潛表弟韻

豐城劒氣國華誇著錄
高能在白沙天下無雙
猶嚮學匈奴未滅不為家
朝吟百望山頭雪夕
醉天王寺裏花莫擲朋尊
便歸去史公書副在
京華

景州道中和陳弼臣同年韻

薑蒜累累作擔挑
居然廚傳不蕭條
卅年初飲
他鄉水三月同聞
大國韶馬足塵清
雙轡立雞

聲村午一帘招斷齋塊粥平生志與爾相期慰
寂寥

題所得黃小松厯下日記冊子

平生五嶽志跼迹一關內西履莎題顛東至田
盤背縱橫四百里牛轉澧附澧最錄天下碑一
一識所在脫戰事幽訪寰宇先嵩岱黃翁厯下
記真跡雜圖繪今年落吾手敝帚百用貴乘輶
來此邦得兆若靈蔡泰山不北移黃河忽南邁
落落山水緣坐令俊觀隘明湖晚揩鏡鵲華秋

擁黛譬彼人士佳不在聲名大願為十日留
鞋易冠蓋千佛手拓新萬紙歸裝載斥鷃笑鷗
鵬天地本一芥

己丑歲莫懷文道希

天下無雙文叔子荒江老屋苦吟詩起居八座
韓元少何似小長蘆釣師

同鄭東甫錫聘之游上方山

金風瑟瑟酒波涼挈榼攀雲出上方料是人生
難得耳黃花嶺上過重陽

嶺極峻上下廿餘里從老虎峪
轉上皆碎石苔滑不可行嶺上

菊種甚舊五色備具但比盆植者少
小竹埤諸老皆未到此憚險遠同

游西山和王廉生

官職聲名亦偶然百年鬢雪不能堅
衰遲語愛耶靈鞠閒適詩吟白樂天
小女解編成畫籍門生時送買書錢
短衣匹馬西山下好逐春風一放顛

壽黃漱蘭先生

戀主耕桑在近畿荷鉏長日喜相隨
歲除偶作畎川賦黨禁曾無元祐碑
國信縱橫和會目諫

書稀闊

聖明時與公昨飲慈恩寺矯首青松賸幾枝

臘八粥

歲時荆楚朔方通佛粥香酣七寶融濟物門當
闢甘露詈人口欲禁防風駕漿糝芋還相饋庶
苑和齋味亦同記得兒時賦綠豆續然今日一
衰翁

鬱華閣遺集卷第二

丙申

題徐兵尚所藏錢南園畫馬中一枯
樹一瘦馬一小馬

輪囷不材或者樗空山無人霜葉枯下有一馬
將一駒瘦如山丘何其駕千金燕市方選駿驂
騮百輩開大涂細茵美薦棄不顧奈何牧豎相
追趨伊誰為爾求青鬃斜陽衰草黏天鋪慎勿
自謂骨相殊渥洼之水為爾污昆明通副不解

事貌此醜態人揶揄何如鷗波細謹筆谷量雲
錦千駒駉今大司馬有意無通馬語者能題圖
此馬回頭顧兒語食三品料汝庶乎

同午橋仲弢陶齋觀伎

中年哀樂較如何聽雨紅樓一刹那藥玉獨斟
重碧酒檀槽初按小紅歌二分春色車中面百
首新詩領上羅頤曲無人指蒼生王粲外謂可莊墜
歡渺渺隔山河

丁酉

為門人劉菊農題崔子湘畫花鳥

紅霞照春院上有翠禽鳴不畫雙雙燕傷心崔

伯亨

露葵似女冠黃裳翦文綺何如青布衣辛苦勤

娘子

六里河邊見煙鄉夢斷時淒涼姜白石一舸闌

紅詩

洗硯池頭樹花猶開澹墨恍惚廿年前小窗明

月色

盧溝以南大道成河感賦

萬載朝京路司空職不修湯湯流水活隱隱輒
痕留古堠蒼茫立沙田鹵莽收窪隆尋至理莫
訖計臣謀

游小五臺詩

定興道中

積潦偶成陂菱荷便覆水牆陰有隙地桑柘雜
桃李華確無不耕大田可知已天下無惰農蓋
自教稼始織皮飲潼倫新識耕種美著為齊民

術千百什一耳奈何強吾後大置勸農使寄語
徐元扈北人不須此

自南灘至王安鎮

一水從東來逕與拒馬會山曲水曲間炊煙生
一帶灌蔬泉繞屋餘者為淺瀨長松徧列岫門
前亦偃蓋禾麻大野潤楓櫺遠山繪懸知民俗
厚沿村無酒旆白叟與黃童羨我來山外山外
事正多大道生塵埃

水雲鄉寄鹿喬笙太守

巨馬如清湘百里碧琉璃北人但使馬舟楫足
可施回環不出山山城枕其渚城東一里許水
磴醺別支是名水雲鄉傭販冰玉姿望衡通草
橋比戶垂柳絲長腰米可種重脣魚及時遙寄
新太守早賦歸來辭

黑石嶺

易州西山盡十里上紫荆出關不數武巨馬忽
前橫迤邐至廣昌灘高水有聲北上黑石嶺三
十里而羸天風吹白草溟滓波濤驚斜陽來大

地東望見神京晚投大甯宿天低星斗晶巖后
避爰居山頂吐長鯨

四十里峪即飛狐口同徐梧生作

巖石積成峰連峰合成壁人行萬峰底天地惟
一石石罅生矮松楓櫨紛丹碧拔地生石筍桀
竚一千尺峰多皴瘦透透者日穿隙回旋左右
顧陰陽蕩精魄客曾陽朔游見此大嘆惜此同
陽朔奇陽朔遜此窄

暖泉書院

汪汪綾羅澤鐵版分泉派酈注名今存大安字
不壞代人善水工勤苦起涸瘵北上有煖泉方
流清可愛東西兩渠玉南北萬峰黛書院居中
間白鹿此其輩寒松釣游地淵源接沆瀣不獨
百頃田利之資灌溉

小五臺即水經注倒刺山也

昨雨今日霽不見南山綠誰攜昆吾刀截此懸
圃玉平生冰雪心重得山水福跋馬登鐵林擬
上北臺宿寺僧大握手樵夫不可返欲待雪盡

消明年麥應熟令我意悵然草草歸鞍促萬仞
琉璃屏百里猶在目

居庸關

單衫上紫荊袷衣上居庸其間恆岳麓風雪如
窮冬燕山直西北階上非陘通明人設關隘牆
堡疑神工北來莫一禦隄水母乃同通塞地利
變造作民力窮忽憶東南海瀛換方告功高秋
舒遠矚山水資吟節

題廉惠卿泉補萬柳堂圖

北人入中土始自黃炎戰營衛無常處行國俗
未變漚維王故地不同不啻竄長城絕來往啞
啞南北雁耕牧風俗殊壤地咫尺判李唐一代
賢代北殷士裸遼金干戈興島索主奴怨真人
鐵木真一怒九州真畏吾廉孟子秀出中州秀
煙波萬柳堂裙履新荷讌詩書澤最長胡越形
無間色目多賢才耦俱散州縣中州石田集淮
上廷心傳終憐右榜人不敵怯薛健臺閣無仁
賢天下遂畔亂沙損亦名家淒涼歸舊院文正

孔子戒哲人有先見至今食舊德士族江南冠
孝廉尤絕特翩翩富文翰薄宦住京師故國喬
木戀堂移柳尚存憔悴草檣畔當年歌騶雨今
日車飛電繪圖屬我題使我生健兼挺筆意酸
辛鋪卷淚凝霰我

朝起東方出震日方旦較似卻持家文治尤糾
縵豈當有彼我柯葉九州編小哉洪南安強分
滿蒙漢闌闌生齒繁農獵本業斷計臣折扣餘
一兵錢一串飲泣持還家當差贖弓箭乞食不

宿飽弊衣邶蔽斲壯夫猶可說市門孀女歎奴
才恣揮霍一筵金大萬津門德國兵饟餉八兩
半後龍百戰餘幽繫同此難異學既公言邪會
真隱患興凱入彼界鐵軌松花岸北歸與南渡
故事皆虛願

聖人方在御草茅誰大諫起我黃帝胄毆彼白
種賤大破旗藻畧謀生皆任便能使手足寬轉
可頭目捍易世不可言當時亦清晏武肅墳上
松百畝垂條榦萬柳補成陰春城綠一片載酒

詩人游嘉樹兩家擅

哀兩生詩

番禺梁鼎蕃

皇帝十一年秋賦歲乙酉歸善鄧給事上章譏
濫取余方長國學勸學期不苟司業

潘前輩
析柯

議分

省

詔旨嚴太秀最後試廣東談者謂弊數輜車雞
栖來白袍鵠立久紛紛一千卷勒帛僵吾手凡
鉛鏤錙躍駕眾騏驎走一策動萬言紛綸經義

刻意是節菴弟笑謂長沙叟

王前輩
先謙

長沙意然疑

嶺南有耆耄折名大快心以嫌不居首賢兄世
所屏側身隘九有累君謀衣食負郭無一畝鄂
中張大夫朱記畀監酒簿尉未脫身齏鹽聊計
口君頗不似兄碌碌無譽咎忘名旁及君天乎
竟不壽書來求我文為君謀不朽衰遲位不尊
文章便可醜夢寐無睿旦世我果誰某念昔淚
獨潛賦詩事亦偶天地放逐臣弟兄生以友一
星忽終始千載誰先後

瑞安林慶衍

久矣春秋榜私門盛桃李寥寥六館生草草六
拜禮橫舍強半虛姓名一例詭余忽擁皋比不
學大可恥諸君何所聞赴壑園橋水弦誦驟蒸
蒸衣冠仍濟濟林生甌越秀聲價孫黃比後順
紹述文茁軋歐陽誠都養作都誦平生一知己
余當乞长假生亦南歸矣稍稍噩耗來龍鍾淚
不止大抵我所賢必為世不喜有才皆困阨達
者亦數子王君廷相居臺諫循默可緋紫奈何擊

大奸竟作真御史秦君

聲樹

官水部水衡錢可使

奈何堅劇門飢來研故紙溫君

和仲

經人肺詞曹

誰可比奈何老空山高臥擔不起程君

林械

一持

節故事飽

筐筐奈何垂橐歸生計百不理諸生

好學我我是陳人可生乃獨善學居然學我久

心以我可哀身以生竟已

和柯鳳孫韵并寄李鑑堂督部

長安塵土馬如飛兀坐敲詩我輩稀幸有文章
通性命不緣離亂得因依排除黨論粗聞道報

荅

君恩祇有歸閒架未興人稅緩糶盆松火樂柴扉

景教流行上國多李綱罷去意如何從今泮水
無芹藻大好仙山住蔚薤一檄不教驅海鯉故
鄉猶自貢天驚書生莫漫談兵事神武從來在
止戈

銀魚紫蠡月汀都轉屬賦

百里渾同適莽蒼擊鮮歛客飮盤張鑿冰初試

三叉水入市平回一角洋佩袋可憐朝士服樣
杯聊富酒人腸杜陵白小新吟就大嚼休嫌得
不償

坐對霞觴擘脯纔萬春香入九秋杯武都塋或
同蛭字洛邑花宜佐膾材大抵橫行皆閨位近
聞腥氣又東來拍浮足了持螯興青紫紛紛眼
倦開

贈雲門

又充計吏上長安朝論何人解惜韓排斥異端

存正學留連民命愛卑官青山結約關天下白
髮交期到歲寒滂學湘纍呵壁問吾曹位置本
來難

瑟縮深居氣不揚回君聊發少年狂游山隨俗
攜茶具久病後人集藥方半世聲名皆痼疾八
年風雨話滄桑側身投足知無所省識桃源是
醉鄉

月牆酒樓同梧生雲門劇飲疊前韵
圓嶠驚濤久未安又聞石沈處三韓

聖明不惜朱厓地名士猶爭墨勅宦蒼狗關中
觀物變白鷗天外未盟寒酒樓且買須臾醉來
日滔滔覺大難

麗日端門滯羽揚行吟燕市且佯狂風流復社
持朝局倉卒天驕救朔方誰遣中原多盜賊更
無安土可耕桑他年儻有依劉日應羨今朝在
故鄉

廉生席上三疊韵送雲門

離筵猶自戀東安天下陽山令一韓犀角眼中

真有子鹿車身外已無官
衰年差喜須眉壯盛
世終憐骨相寒哭可當歌醒亦醉
廿年此別最
為難
聲名未覺糝糠揚
寥落兩尊不敢狂
盟會三朝
尋北徼談諧諸老盡
東方我饒野史三千牘
君
有家財八百桑
何日何年更合并
白頭堅約水
雲鄉

丁酉歲杪爽秋觀察寄所刻叢書及
所著文集來書云赤縣困窮九流

混濁終當引去重感其意四疊與
 雲門倡和韻敬以奉報不干時事
 亦無標榜不過刺取所惠書名如
 千里之賦一塵爾

阿佟抗議記袁安幾載烽煙失馬韓獅象不流

金界水鼈魚新置鐵橋官

自興安至三韓東西巨流止一混同來蒙以弓擊水即此是也

虛名色目臣唐兀異姓林牙據拔寒太息東溟

波浪惡嚴灘歸釣六殊

雜衛藏通志續書吉林外紀黑龍江外記甯古塔紀略元親征錄

秘史注湛然居士集藏州圖經景定藏州續志

經籍如今合表揚縱橫名墨太猖狂術家日日
占兵忌醫匠紛紛變古方司馬文章皆粟帛臥
龍終始在耕桑邠客一舸便歸去村舍漸西煙

水鄉

經籍舉要尊經閣祀典錄江氏兵學三種太素
齊民要術農桑輯要相雨經及爽秋可箸文集

鬱華閣遺集卷第三

戊戌

戊戌元日日食感賦五疊前韵

是日食南輕

北重中
虧而復

稱賀陰雲上

壽安誰吟月蝕效盧韓未分光
嶽吾猶國不志災祥史失官
八極黃昏西者滅一方黑照北中

寒

李長吉北中寒詩
一方黑照三方紫

聖人避殿殷憂極忍使為君獨任難

可惜義鞭不肯揚聖令奔走庶人狂朝正冠冕
如常禮自古兵麾是禁方玉圃四垂沈細柳金
天五色盼窮桑

廟堂脩德同霑惠市井孤臣蠹帝鄉

隆福寺觀鐙和雲門

豈有桃源可避秦踏歌燕市斲相親戈船瀕洞
重溟日鐙火蕭條萬井春攜手三生忘宿果斷
頭一歎作完人閻浮世界須臾滅心動風幡怯
轉輪

六疊前韵送雲門

祖道明朝出右安
送行郢復序思韓
三司放手行新法
一令終身守故官
但有金縢無玉帛
可堪豐暖尚飢寒
此行重造蒼生福
知道鮮于處置難

別有高岡鳳彩揚
自然吾輩接輿狂
幽風大抵猶堪畫
江水於今不可方
便結茅龍居下杜
久聞竹馬到稠桑
一編涕淚朝天集
未必幽州竟異鄉

和鳳孫韵示王編修廷相

自来堯舜容巢許許結空山麋鹿羣瓊玉嵯峨
天外雪金銀晃漾海東雲笠簑下溪猶堪老輦
鼓中樞不再聞白髮門生能抗疏懽然他日定
吾文

文山上公夫子生日

幅巾野服共徜徉巾角門生鬢亦蒼避世私傳
伊洛學落年不用偓佺方大廷對策青陽集小
築依山綠野堂聞說鹿車同志好白頭百歲摠

相莊

次韻答楊子勤表弟

他鄉表弟杜陵詩榜後逢人說項斯桑梓文章

誰可託亂離親故不相知君隨官楚中卅年不通問看荷門巷

嬉游地君家油漆作舅祖廬公常攜余游十刹海古柏祠堂下拜時內外

名家吾與涵衰年倡和尚能奇

早後識字辨農晨小雨新回大地春違俗自甘

傖楚目力田豈是避秦人但知名姓終非隱欲

保身家莫歎貧丙舍鄜亭最名勝更須西上作

比鄰

松禪居士持贈薌嬰老人手鈔詩報

以文文水金焦圖并題長句送別

大江東下不可收金焦兩點橫中流果然鏜卻
亦快意那見鮫鱷驕清秋水不盡橫汙水蒼
茫絨上天拍浮重樓翠阜絕滄海松寥隱隱茆
菴留我感此卷早夢游出沒日月狎海鷗公今
被恩得長假壑裝書畫填歸舟戔戔片絨不足
重拳石想像攢五洲成均故人盡凋落微官十

載前公休蟲居人海竟無謂洵源亦有巖壑幽
吾宗香嬰有故事鄉居養病親服疇未惜相忝
日已遠三年賓館刺不投抱瓮灌田各努力神
觀詎以形骸求畫中有人公是不嗚呼公竟焦
先壽

送門人張季直南歸

海內文章伯吾從舉業知名賢屈都誦上第重
當時直道觀鄉易園流別派竒講堂梨樹影故
事那堪思

同是憂

君國吾生早自捐
紛紜今日極涕淚
十年前詩橐懷中
字琴心海上天
願賒乾淨土
跣足看耕田

題廉杏儕盤石釜芝圖

白石不可煮紫芝不可餐
登盤與漑釜對之空惘然
黃帝合符地餘糧聚眾仙
聊以礪吾齒那類飯
潁山田盤松花餅香
屑流瑤編琅琅商山歌
意與薇蕨傳先生
最曠達不復憂杞天王
畿

一千里收拾几案前

將為金山之游出西便門宿盧溝橋

寄陸申甫

一脫京塵便灑然相逢父老說豐年可憐日莫
輕陰際況是秋深落木天笑我筇枝來畫幃諸
公華省有詩篇傷心缺月盧溝水照盡朝京幾
輩賢

盧溝早發倚裝湯賦寄夢樓農部
倚裝鐙影澹忽忽馭鈴喧縱壑魚呬沫乘軒鶴

在樊稻梁謀雁驚林麓託糊獮脫粟猶堪飽清
流郭下村

九日與杏儕登塔岡

象教已無力巍然塔尚存登高酬令節落日滿
荒原未藉扶筇健無妨坐石溫江村老博士相
對懽忘言

涑水米肆贈門人賈來臣農部

山縣饒魚米容君避地豪至文農道古大隱市
簾高斂散囷囷滿耕耘粒粒勞解裝欣一飽失

喜得村醪

色樹莊雨堂觀察別業留題

北上重山色樹莊果然樹色雜青黃移家擬就
東西凜凜地應鄰大小鬻敲枕夜灘疑作雨繞
垣寒菜未經霜輞川故許容裴迪何日同來把
菊觴

雨堂新屋兩面皆窗寒惟一望宛然
夜山圖也

露脚朦朧淡不斂虛窗一燈足精神有誰倩作

夜山畫喚起羊頭岡下人

鐵鎖崖

巨馬西北來遠挾高崖勢燕南萬頃田洪濤與
恣肆壯哉鐵鎖崖成此替亢地排空萬馬來一
拳與之拒待其怒勢殺安流遂東逝眾渠合兩
流天設離堆利麥稻無旱潦有時或雙穗陰崖
自終古屹立無所事

釜山

我來為釜山釜山上一杯穉柏僅百株一松無

匹儔軒轅朝羣后胡為來荒邱山顛有立石或
者紀號留公玉圖不見金碧佛宮幽林木無翳
障傑閣淩清秋東望盡滄海百靈歛來游至德
在平易勿以高峻求

涑水病足示來臣

五十堂堂去今來腳氣宜別和殊炫鬻跳禹太
臍脰竹杖從吾嬾籃輿有所師京華塵浩浩或
免素衣緇

涑水聽雨寄雲門

日夕廉纖往復還
丹危翠險絕躋攀
梧桐孤直憐東府
薤薤蕭蕭騷眷北
山敲枕暗知豐歲
樂荷鉏誰說野人
閒何時倚杖蒼巖
下相與題詩刻
鮮斑

題樊榭山房詩

樊榭山房版屨新
浙中派別孰知津
老人那有娟娟筆
恐是芟蘆配食人

杜鵑行

哀楊生也

杜鵑啼血聲不止

一作天津橋上秋風起

白衣少年佐天子

翻雲覆雨驟雷霆竟與蓬人同日以竟無名

世尚疑朝衣倉卒就刑時似聞唐代永貞際劉

柳諸人有獄詞經史蟠胸掌固熟鰲氏未誅蘇

氏族歸隱泉明奔姊喪解官亦欲持兄服隱忍

徘徊戀主恩主恩深厚敢深論茂陵遺橐分明

在異議篇篇血淚痕劇憐六館誇高第亦復城

南飲文字黃

漱蘭

李

仲約

當時皆偉人與爾論交折

年輩萬里魂歸蜀道難觚棱曉日自年年杜陵

漫濺雲安淚從此西州有杜鵑

己亥

為高拙園大令題退思軒軒名甘莊
恪所題

尚書心在芰荷衣稠疊

君恩未許歸乞退不能身況瘁藤花廳外紫霞
飛

耦耕豐鎬舊時民道路誰為鷹上人補過盡忠
兩無事百年坐嘯太平春

歷可成終問注家涑陽萬樹盡蒸霞此鄉畱得
高公繭湧賞深秋二月花

平泉創自先文慤亦有齋名號退思
先祖即以退思名齋名
筆當煩李文叔洛陽寫記重當時

病中效倚松老人體

小閣明窗暖故佳靜看旭日上窗紗老夫臥病
不知日已過盆梅兩度花

病小愈

藥爐茶竈對牀安來往能行已大難一室盤旋

足旁薄三冬況復不知寒

病革口占

怕歟作為已歟有生本是無生縱然百有餘歲
不過多得浮名

鬱華閣遺集卷第四

詞

城頭月

風笛

誰家玉笛新聲溜一縷穿雲透柳梢月澹花底
風涼剛是秋來候頻年擲盡紅絲手觸撥情
懷又碧苔院宇紅袖闌干如我傷心否

減字木蘭花

戊寅上元同舊生作

春冰欲水嬾意如雲吹不起梅藥娟娟忽覺花
開似去年魚龍鬣衍聞道六街箏鼓滿坐盡
寒更愛斂冰窓一穗鐙

燭影搖紅

梅影

一縷冰魂和煙澹到無尋覓幾番相約是黃昏
又怕餘寒誤冷落江頭千樹奈相逢風斜日暮
春愁滿地淺夢如煙都無憑據晚笛吹殘玉
龍似和湘波語獨扶殘夢下瑤臺可是淩波步

解佩縱逢交甫亦淒涼幾番煙霧翠禽宿後寒
蜨來時者番前度

水調歌頭

題觀海圖

儻竟此天墜與子更如何莫問今夕何夕且自
發悲歌湯說此間塵土便是風簑雨笠何處可
煙波只此著身好便算御風過驅鯤鯨淩鳥
隼踏蛟鼉不管紅霞碧海強半入色羅安得乘
風萬里踏碎萬重煙島赤手挽天河此願庶幾

慰吾亦老巖阿

金縷曲

王致甫同年屬題太夫人焦尾閣遺橐

百拜開吟卷是當時風迴雪舞謝家庭院更有
如山如河意瑱佩珊珊想見又荻畫中年淒斷
偏是孤兒生命薄奈慕我竟作伊萬怨楹書在
淚珠濺 小人有母稱班媛只年來淒涼遺墨
流傳殘蘭地下翻貽身後悔幾作玉臺詩案

年今

春某學士承要人風旨撫吾母集中送兄詩謂為忘
本請 肯削版將以傾豈也仰荷 天恩不死而請

幸姓氏宮

聞傳徧萬劫無忘千言訓骨髓不為冰霜換
君試讀范滂傳

金縷曲

送曹芋僧州判之大梁幕

一第尋常耳忽徧君布帽京塵依然如此竟作
諸侯賓客去亦勝紫螢枯火莫更要讀書作字
風雪鄖陵爭戰處便短衣匹馬相從事匣中劍
須頻拭 年來我亦悲身世且隨人獵地呼鷹

倡樓唱雉莫說雕青年少惡到底還多生氣原
不必大知吾意殘雪梅花燕市酒到明朝我醉
君行矣真便濺窮途淚

浪淘沙

甲申七月作

丹鼎闕青霞倏忽天涯屏風六曲隔文紗憑仗
溶溶春院月照煖梨花多謝木蘭槎飽飯胡
麻杏梁新定燕兒家自折花枝循紺鬢如此年
華

金縷曲

送梁節菴罷官歸里

此漢錚錚鐵是當時呼天無路目皆皆裂欲斬
長鯨東海外先恨上方劍缺便一疏輕投丹闕
東市朝衣皆意計賴

聖明續溺頭顱絕爾不見彼東澈天心早許
孤臣節只徘徊謫書一紙已經年月門籍不除
身許便如此重恩山岳除感激更當何說悟主
從知非婢直恐浮名尚罪湘纍竊灑何地一腔

血

為爾籌歸計最相宜打頭茅屋縱橫經史經世
文章須少作怕又流傳都市自打疊藏山心事
科第已成官已去問百年纔過十分幾天與爾
信優矣除書萬一柴門至亦勸爾幡然就道
馳驅效以此輩儻教高關東小隱亦堪終世况
有个桓君同志買取羅浮梅萬樹便經營精舍
梅花裏嶺海外鄭公里
羨爾扁舟駕乘長風滄溟萬里先生歸也只我

淒涼尊酒別老淚龍鍾盈把徧塵海文游多寥
碌碌衣冠徒一闕問何人涕淚能吾罵以此意
最難舍頻年書疏論天下笑區區曾何獻替
略如鰕鮓與爾本來同一罪莫亦誤恩輕赦爾
今日遂初田舍我任推排猶不去靈向人高論
青山價慙對爾汗如瀉

八聲甘州

送伯愚都護之任烏里雅蘇臺
驀橫吹意外玉龍哀烏里雅蘇臺看黃沙毳幕

縱橫萬里攬轡初來莫但訪碑荒磧

同人屬拓關特勒碑

爾

是勒銘才直到烏梁海蕃落重開

六載碧山

丹闕商量出霧拔我蒿萊愴從今別後萬卷一
身埋約明春自專一壑我夢君千騎雪皚皚君
夢我一枝柳樾扶上巖苔

夢橫塘

送子勤表弟乞外

燕子巢痕世家王謝模黏門巷非故喬木陰陰
只賸我午橋莊住失喜君來相將幾載又悲君

去念垂髫年紀嬉戲君家略省識門前樹君
才浩浩蒼蒼况驚人詩筆等身經注風雅鄉邦
私自幸有人能付誰料得掉頭東海萬里冥鴻
入煙霧壽骨遙知白頭兄弟更相逢遲莫
三百年来吾鄉文獻叢殘誰與收拾隱軫千門
氣鬱鬱圖書熏習不道而今改柯易葉都非疇
昔想蟲沙蛻鶴萬劫蒼茫賸對酒無聲泣年
年雪屐尋碑更風裳閱肆寸銖裒壽何幸得君
吾此願居然能畢邗比得修書歐宋雙影松窗

語淒咽野史亭孤中州集就怛遺山胸臆

壬寅秋九月儼山諺寫定

鬱華閣遺集畢

天下愛重盛祭酒讀其
詩詞翫髣髴悵入人肝
脾祭酒幸以己亥歿耳
若至庚子必殉國矣余與

文芸閣張季直同試禮
部日嘗借寓惠園自餘
然於祭酒跡不甚密今觀
集中與芸閣季直諸作

惘然如聞隔世事蓋余
戊戌出京之日祭酒故無
恙也變遷代謝之感是
集豈堪卒讀光緒丁未

三月子勤先生以手書
刊本見贈輒跋其卷末
閩縣鄭孝胥